



## KEMENTERIAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: [www.kwp.gov.my](http://www.kwp.gov.my)

---

# SIARAN MEDIA

---

## UNTUK LIPUTAN MEDIA MASSA

### **WARGA KOTA MERIAHKAN MAJLIS RUMAH TERBUKA AIDILFITRI PERINGKAT WILAYAH PERSEKUTUAN KUALA LUMPUR DAN PUTRAJAYA TAHUN 2013/1434 H**

**KUALA LUMPUR, 6 September 2013** - YB Datuk Seri Utama Tengku Adnan bin Tengku Mansor, Menteri Wilayah Persekutuan dan isteri; YBhg. Datin Seri Utama Anggraini Sentiyaki hari ini meraikan kira-kira 15,000 orang warga Wilayah Persekutuan Kuala Lumpur dan Putrajaya dalam Majlis Rumah Terbuka Aidilfitri Peringkat Wilayah Persekutuan Kuala Lumpur Dan Putrajaya di Laman 1Malaysia, Presint 2, Putrajaya.

Majlis Rumah Terbuka Aidilfitri Peringkat Wilayah Persekutuan Kuala Lumpur Dan Putrajaya Tahun 2013/1434 H yang merupakan salah satu acara rasmi tahunan KWP dianjurkan untuk mengeratkan silaturrahim antara warga KWP dan agensi-agensinya bersama warga Wilayah Persekutuan. Ia juga bertujuan untuk memperkukuhkan lagi interaksi dan memberi pendekatan yang lebih mesra antara pemimpin dengan rakyat dan menerapkan nilai rasa kasih sayang di kalangan warga dan rakyat Wilayah Persekutuan bagi melambangkan warga masyarakat Wilayah Persekutuan yang harmoni, prihatin, maju dan sejahtera. Majlis tersebut dianjurkan secara bersama oleh Kementerian Wilayah Persekutuan (KWP), Dewan Bandaraya Kuala Lumpur (DBKL), Perbadanan Putrajaya (PPj), Majlis Sukan Wilayah Persekutuan (MSWP) dan Perbadanan Pembangunan Kampong Bharu (PPKB) dengan sokongan agensi-agensi lain serta jabatan-jabatan berkaitan di Wilayah Persekutuan.

Setelah empat (4) tahun berturut-turut, Majlis Rumah Terbuka Aidilfitri Peringkat Wilayah Persekutuan Kuala Lumpur Dan Putrajaya diadakan di Tasik Titiwangsa, Kuala Lumpur. Berlainan pada tahun 2013 ini, Majlis Rumah Terbuka Aidilfitri diadakan di Wilayah Persekutuan Putrajaya bagi memberikan lebih peluang kepada warga Putrajaya untuk turut serta bersama-sama merasai kemeriahan sambutan hari raya di samping dapat mengeratkan dan mengukuhkan jalinan kemesraan dikalangan warga Wilayah Persekutuan tanpa mengira perbezaan agama dan latar belakang. Ini juga bagi menjadikan Putrajaya lebih *vibrant* melalui penganjuran majlis seperti ini.

Penganjuran majlis kali ini turut melibatkan penyertaan daripada badan-badan korporat dan NGO sebagai *Program Partners* seperti di **Lampiran A**. Penglibatan mereka ini adalah merupakan satu aktiviti tanggungjawab sosial korporat (CSR) terhadap seluruh warga Wilayah Persekutuan. Ianya adalah bertujuan untuk menjalin hubungan silaturrahim dan mewujudkan hubungan dua hala dengan pihak kerajaan dan orang ramai. Selain itu, penglibatan mereka juga melambangkan tanda penghargaan kepada orang ramai yang selama ini menyokong perkhidmatan yang diberikan oleh organisasi masing-masing dalam arus pembangunan Negara.

YB Menteri dan YB Timbalan Menteri Wilayah Persekutuan turut menyampaikan sumbangan Aidilfitri bernilai **RM100.00** seorang daripada Kementerian Wilayah Persekutuan dan Yayasan Wilayah Persekutuan dibawahnya kepada **2,000 orang** yang terdiri daripada golongan miskin, anak-anak yatim, OKU, warga emas dan ibu tunggal. Selain itu, beliau turut menyampaikan sumbangan duit raya bernilai **RM10.00** seorang kepada **3,000 orang** kanak-kanak yang menghadiri majlis tersebut.

Adalah diharapkan dengan penganjuran majlis ini rakyat dapat sama-sama menikmati kemeriahan Aidilfitri disamping mencetuskan semangat muhibbah antara masyarakat dalam mencapai matlamat membangunkan bersama kecemerlangan dan kegemilangan Wilayah Persekutuan sebagai Wilayah Persekutuan yang Maju dan Sejahtera berteraskan falsafah konsep "1Malaysia - Rakyat Didahulukan, Pencapaian Diutamakan".

**Disediakan oleh:**

BAHAGIAN KOMUNIKASI KORPORAT  
Kementerian Wilayah Persekutuan

6 September 2013  
PUTRAJAYA

LAMPIRAN A

**SENARAI PROGRAM PARTNERS BAGI MAJLIS RUMAH TERBUKA AIDILFITRI PERINGKAT  
WILAYAH PERSEKUTUAN KUALA LUMPUR DAN PUTRAJAYA TAHUN 2013**

<b>BIL</b>	<b>NAMA ORGANISASI</b>	<b>SUMBANGAN/ITEMS</b>
1.	<b>Berjaya Corporation Berhad</b>	* 6,000 Kenny Rogers * 6,000 Minuman <i>Starbucks</i>
2.	<b>Amona Group of Companies</b>	* 30 Kambing Panggang
3.	<b>Suez Domain Sdn. Bhd.</b>	* 3,000 Mee Kari * 3,000 Air Asam Boi
4.	<b>SP Setia Berhad</b>	* 2,000 Nasi Briyani (Ayam dan Daging)
5.	<b>Dommal Food Services Sdn. Bhd. (Domino's Pizza)</b>	* 50 Aloha Chicken Domino's Pizza * 50 Chicken Pepproni Domino's Pizza
6.	<b>Alam Flora Sdn. Bhd.</b>	* 2,500 Satay Ayam * 2,500 Satay Daging * Kuah Kacang, Nasi Himpit & Timun
7.	<b>Touch N Go</b>	* 3,000 <i>Cream Puff</i>
8.	<b>Percetakan Watan Sdn. Bhd.</b>	* 20,000 Botol Mineral Water
9.	<b>Projek Lintasan Kota Holding Sdn. Bhd. (PROLINTAS)</b>	* 1,500 Apam Balik
10.	<b>Gaya House Sdn. Bhd.</b>	* 2,500 Lamban Daun Kelapa * 2,500 Lamban Daun Pandan * Kuih Cincin * Jus Salak
11.	<b>Sogo (KL) Department</b>	* Lemang * Rendang (Ayam & Daging) * Cendol Jiboi * Kek Lapis Sarawak
12.	<b>DMIA (M) Sdn. Bhd.</b>	* 1,500 Mee Hoon Goreng * 1,500 Mee Goreng Mamak

<b>BIL</b>	<b>NAMA ORGANISASI</b>	<b>SUMBANGAN/ITEMS</b>
<b>13.</b>	<b>Ekovest Berhad</b>	<b>* 25,000 Aiskrim</b>
<b>14.</b>	<b>Golden World Development Sdn. Bhd.</b>	<b>* 1,500 Cucur Udang * 1,500 Popia Goreng * Kordial</b>
<b>15.</b>	<b>UDA Holdings Berhad</b>	<b>* 3,000 Asam Laksa</b>
<b>16.</b>	<b>Impianika Development Sdn. Bhd.</b>	<b>* 3,000 Roti John</b>
<b>17.</b>	<b>JL99 Holdings Sdn. Bhd.</b>	<b>* 3,000 Kebab</b>
<b>18.</b>	<b>Yayasan Wilayah Persekutuan</b>	<b>* Satay+Nasi Himpit+Kuah Kacang * Mee Goreng Mamak * Air Batu Campur</b>
<b>19.</b>	<b>Putrajaya Shangri-La</b>	<b>* 4,000 Biskut Raya</b>
<b>20.</b>	<b>Permodalan Nasional Berhad</b>	<b>* Char Kuey Teow</b>